

Namo tassa bhagavato arahato sammāsambuddhassa

# Khuddakanikāye

## Khuddakapāṭhapāli

### 1. Saraṇattayaṃ

Buddhaṃ saraṇaṃ gacchāmi;  
Dhammaṃ saraṇaṃ gacchāmi;  
Saṅghaṃ saraṇaṃ gacchāmi.

Dutiyampi buddhaṃ saraṇaṃ gacchāmi;  
Dutiyampi dhammaṃ saraṇaṃ gacchāmi;  
Dutiyampi saṅghaṃ saraṇaṃ gacchāmi.

Tatīyampi buddhaṃ saraṇaṃ gacchāmi;  
Tatīyampi dhammaṃ saraṇaṃ gacchāmi;  
Tatīyampi saṅghaṃ saraṇaṃ gacchāmi.

Saraṇattayaṃ [saraṇagamanam niṭṭhitam (syā.)] niṭṭhitam.

### 2. Dasasikkhāpadaṃ

1. Pāṇātipātā veramaṇī-sikkhāpadaṃ [veramaṇīsikkhāpadaṃ (sī. syā.)] samādiyāmi.
2. Adinnādānā veramaṇī-sikkhāpadaṃ samādiyāmi.
3. Abrahmacariyā veramaṇī-sikkhāpadaṃ samādiyāmi.
4. Musāvādā veramaṇī-sikkhāpadaṃ samādiyāmi.
5. Surāmerayamajjapamādaṭṭhānā veramaṇī-sikkhāpadaṃ samādiyāmi.
6. Vikālabhojanā veramaṇī-sikkhāpadaṃ samādiyāmi.
7. Nacca-gīta-vādita-visūkadassanā veramaṇī-sikkhāpadaṃ samādiyāmi.
8. Mālā-gandha-vilepana-dhāraṇa-maṇḍana-vibhūsanatṭhānā veramaṇī-sikkhāpadaṃ samādiyāmi.
9. Uccāsayana-mahāsayanā veramaṇī-sikkhāpadaṃ samādiyāmi.
10. Jātarūpa-rajatapaṭiggahaṇā veramaṇī-sikkhāpadaṃ samādiyāmi.

Dasasikkhāpadaṃ [dasasikkhāpadaṃ niṭṭhitam (syā.)] niṭṭhitam.

### 3. Dvattiṃsākāro

Atthi imasmim kāye –

Kesā lomā nakhā dantā taco,  
 Maṃsaṃ nhāru [nahāru (sī. pī.), nahārū (syā. kaṃ.)] aṭṭhi [aṭṭhī (syā. kaṃ)] aṭṭhimiñjaṃ  
 vakkāṃ,  
 Hadayaṃ yakanāṃ kilomakāṃ pihakāṃ papphāsaṃ,  
 Antaṃ antagaṇaṃ udariyaṃ karīsaṃ matthaluṅgaṃ [( ) sabbattha natthi, aṭṭhakathā ca  
 dvattiṃsasaṅkhyā ca manasi kātabbā],  
 Pittaṃ semhaṃ pubbo lohitaṃ sedo medo,  
 Assu vasā kheḷo siṅghāṇikā lasikā muttanti [muttaṃ, matthake matthaluṅganti (syā.)].

Dvattiṃsākāro niṭṭhito.

## 4. Kumārapañhā

1. “Ekaṃ nāma kiṃ”? “Sabbe sattā āhāraṭṭhitikā”.
2. “Dve nāma kiṃ”? “Nāmañca rūpañca”.
3. “Tīṇi nāma kiṃ”? “Tisso vedanā”.
4. “Cattāri nāma kiṃ”? “Cattāri ariyasaccāni”.
5. “Pañca nāma kiṃ”? “Pañcupādānakkhandhā”.
6. “Cha nāma kiṃ”? “Cha ajjhāṅgikāni āyatanāni”.
7. “Satta nāma kiṃ”? “Satta bojjhaṅgā”.
8. “Aṭṭha nāma kiṃ”? “Ariyo aṭṭhaṅgiko maggo”.
9. “Nava nāma kiṃ”? “Nava sattāvāsā”.
10. “Dasa nāma kiṃ”? “Dasahaṅgehi samannāgato ‘arahā’ ti vuccatī” ti.

Kumārapañhā niṭṭhitā.

## 5. Maṅgalasuttaṃ

1. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Atha kho aññatarā devatā abhikkantāya rattiyā abhikkantavaṇṇā kevalakappaṃ jetavanaṃ obhāsetvā yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ aṭṭhāsi. Ekamantaṃ ṭhitā kho sā devatā bhagavantaṃ gāthāya ajjhabhāsi –

2. “Bahū devā manussā ca, maṅgalāni acintayum;  
 Ākaṅkhamānā sothhānaṃ, brūhi maṅgalamuttamaṃ”.
3. “Asevanā ca bālānaṃ, paṇḍitānañca sevanā;  
 Pūjā ca pūjaneyyānaṃ [pūjanīyānaṃ (sī. syā. kaṃ. pī.)], etaṃ maṅgalamuttamaṃ.

4. “Patirūpadesavāso ca, pubbe ca katapuññatā;  
Attasammāpaṇidhi [atthasammāpaṇidhī (katthaci)] ca, etaṃ maṅgalamuttamaṃ.
5. “Bāhusaccaṇca sippaṇca, vinayo ca susikkhito;  
Subhāsītā ca yā vācā, etaṃ maṅgalamuttamaṃ.
6. “Mātāpitu upatthānaṃ, puttadārassa saṅgaho;  
Anākulā ca kammantā, etaṃ maṅgalamuttamaṃ.
7. “Dānaṇca dhammacariyā ca, ñātakānaṇca saṅgaho;  
Anavajjāni kammāni, etaṃ maṅgalamuttamaṃ.
8. “Āratī viratī pāpā, majjapānā ca saṃyamo;  
Appamādo ca dhammesu, etaṃ maṅgalamuttamaṃ.
9. “Gāravo ca nivāto ca, santuṭṭhi ca kataññutā;  
Kālena dhammassavanaṃ [dhammassāvaṇaṃ (ka. sī.), dhammasavanaṃ (ka. sī.)], etaṃ  
maṅgalamuttamaṃ.
10. “Khantī ca sovacassatā, samaṇānaṇca dassanaṃ;  
Kālena dhammasākacchā, etaṃ maṅgalamuttamaṃ.
11. “Tapo ca brahmacariyaṇca, ariyasaccāna dassanaṃ;  
Nibbānasacchikiriyaṇca, etaṃ maṅgalamuttamaṃ.
12. “Phuṭṭhassa lokadhammehi, cittaṃ yassa na kampati;  
Asokaṃ virajaṃ khemaṃ, etaṃ maṅgalamuttamaṃ.
13. “Etādisāni katvāna, sabbatthamaparājītā;  
Sabbattha sotthiṃ gacchanti, taṃ tesam maṅgalamuttama’nti.

Maṅgalasuttaṃ niṭṭhitaṃ.

## 6. Ratanasuttaṃ

1. Yānīdha bhūtāni samāgatāni, bhummāni [bhūmāni (ka.)] vā yāni va antalikkhe;  
Sabbeva bhūtā sumanā bhavantu, athopi sakkacca suṇantu bhāsitaṃ.
2. Tasmā hi bhūtā nisāmetha sabbe, mettaṃ karotha mānusiyaṃ pajāya;  
Divā ca ratto ca haranti ye baliṃ, tasmā hi ne rakkhatha appamattā.
3. Yaṃ kiñci vittaṃ idha vā huraṃ vā, saggesu vā yaṃ ratanaṃ paṇītaṃ;  
Na no samaṃ atthi tathāgatena, idampi buddhe ratanaṃ paṇītaṃ;  
Etena saccena suvatthi hotu.
4. Khayaṃ virāgaṃ amataṃ paṇītaṃ, yadajjhagā sakyamunī samāhito;  
Na tena dhammena samatthi kiñci, idampi dhamme ratanaṃ paṇītaṃ;  
Etena saccena suvatthi hotu.
5. Yaṃ buddhasettho parivaṇṇayī sucim, samādhimānantarikaññamāhu;  
Samādhinā tena samo na vijjati, idampi dhamme ratanaṃ paṇītaṃ;

Etena saccena suvatthi hotu.

6. Ye puggalā aṭṭha satam pasatthā, cattāri etāni yugāni honti;  
Te dakkhiṇeyyā sugatassa sāvakā, etesu dinnāni mahapphalāni;  
Idampi saṅghe ratanam paṇītam, etena saccena suvatthi hotu.
7. Ye suppayuttā manasā dalhena, nikkāmino gotamasāsanamhi;  
Te pattipattā amatam vigayha, laddhā mudhā nibbutim [nibbuti (ka.)] bhuñjamānā;  
Idampi saṅghe ratanam paṇītam, etena saccena suvatthi hotu.
8. Yathindakhīlo pathavissito [paṭhavissito (ka. sī.), pathaviṃsito (ka. si. syā. kaṃ. pī.)] siyā,  
catubbhi vātehi asampakampiyo;  
Tathūpamam sappurisaṃ vadāmi, yo ariyasaccāni avecca passati;  
Idampi saṅghe ratanam paṇītam, etena saccena suvatthi hotu.
9. Ye ariyasaccāni vibhāvayanti, gambhīrapaññena sudesitāni;  
Kiñcāpi te honti bhusam pamattā, na te bhavam aṭṭhamamādiyanti;  
Idampi saṅghe ratanam paṇītam, etena saccena suvatthi hotu.
10. Sahāvassa dassanasampadāya [sahāvasaddassanasampadāya (ka.)], tayassu dhammā jahitā  
bhavanti;  
Sakkāyadīṭṭhī vicikicchitañca, sīlabbatam vāpi yadatthi kiñci.
11. Catūhapāyehi ca vipparamutto, chaccābhiṭṭhānāni [cha cābhiṭṭhānāni (sī. syā.)] abhabba kātum  
[abhabbo kātum (sī.)];  
Idampi saṅghe ratanam paṇītam, etena saccena suvatthi hotu.
12. Kiñcāpi so kamma [kammam (sī. syā. kaṃ. pī.)] karoti pāpakam, kāyena vācā uda cetasā vā;  
Abhabba [abhabbo (bahūsu)] so tassa paṭicchadāya [paṭicchādāya (sī.)], abhabbatā  
diṭṭhapadassa vuttā;  
Idampi saṅghe ratanam paṇītam, etena saccena suvatthi hotu.
13. Vanappagumbe yatha [yathā (sī. syā.)] phussitagge, gimhānamāse paṭhamasmiṃ [paṭhamasmi  
(?)] gimhe;  
Tathūpamam dhammavaram adesayi [adesayī (sī.)], nibbānagāmiṃ paramam hitāya;  
Idampi buddhe ratanam paṇītam, etena saccena suvatthi hotu.
14. Varo varaññū varado varāharo, anuttaro dhammavaram adesayi;  
Idampi buddhe ratanam paṇītam, etena saccena suvatthi hotu.
15. Khīṇam purāṇam nava natthi sambhavam, virattacittāyatike bhavasmiṃ;  
Te khīṇabījā avirūḥichandā, nibbanti dhīrā yathāyam [yathayam (ka.)] padīpo;  
Idampi saṅghe ratanam paṇītam, etena saccena suvatthi hotu.
16. Yānīdha bhūtāni samāgatāni, bhummāni vā yāni va antalikkhe;  
Tathāgataṃ devamanussapūjitaṃ, buddham namassāma suvatthi hotu.
17. Yānīdha bhūtāni samāgatāni, bhummāni vā yāni va antalikkhe;  
Tathāgataṃ devamanussapūjitaṃ, dhammam namassāma suvatthi hotu.
18. Yānīdha bhūtāni samāgatāni, bhummāni vā yāni va antalikkhe;  
Tathāgataṃ devamanussapūjitaṃ, saṅgham namassāma suvatthi hotūti.

Ratanasuttaṃ niṭṭhitam.

## 7. Tirokuṭṭasuttaṃ

1. Tirokuṭṭesu tiṭṭhanti, sandhisinghātakesu ca;  
Dvārabāhāsu tiṭṭhanti, āgantvāna sakam gharam.
2. Pahūte annapānamhi, khajjabhojje upaṭṭhite;  
Na tesam koci sarati, sattānam kammaṃpaccayā.
3. Evaṃ dadanti ñātīnam, ye honti anukampakā;  
Suciṃ paṇītam kālena, kappiyam pānabhojanam;  
Idam vo ñātīnam hotu, sukhitā hontu ñātayo.
4. Te ca tattha samāgantvā, ñātipetā samāgatā;  
Pahūte annapānamhi, sakkaccaṃ anumodare.
5. Ciraṃ jīvantu no ñātī, yesam hetu labhāmase;  
Amhākañca katā pūjā, dāyakā ca anipphalā.
6. Na hi tattha kasi [kasī (sī.)] atthi, gorakkhettha na vijjati;  
Vaṇijjā tādisī natthi, hiraññena kayokayam [kayākkayam (sī.), kayā kayam (syā.)];  
Ito dinnena yāpentī, petā kālakatā [kālakatā (sī. syā. kam.)] tahiṃ.
7. Unname udakam vuṭṭham, yathā ninnam pavattati;  
Evameva ito dinnam, petānam upakappati.
8. Yathā vārivahā pūrā, paripūrenti sāgaram;  
Evameva ito dinnam, petānam upakappati.
9. Adāsi me akāsi me, ñātimittā [ñāti mitto (?)] sakhā ca me;  
Petānam dakkhiṇam dajjā, pubbe katamanussaram.
10. Na hi ruṇṇam vā soko vā, yā caññā paridevanā;  
Na tam petānamatthāya, evam tiṭṭhanti ñātayo.
11. Ayañca kho dakkhiṇā dinnā, saṅghamhi suppatiṭṭhitā;  
Dīgharattam hitāyassa, ṭhānaso upakappati.
12. So ñātidhammo ca ayam nidassito, petāna pūjā ca katā uḷārā;  
Balañca bhikkhūnamanuppaddinam [... manuppaddinavā (ka.)], tumhehi puñṇam pasutam  
anappakanti.

Tirokuṭṭasuttaṃ niṭṭhitam.

## 8. Nidhikaṇḍasuttaṃ

1. Nidhiṃ nidheti puriso, gambhīre odakantike;  
Atthe kicce samuppanne, atthāya me bhavissati.

2. Rājato vā duruttassa, corato pīlitassa vā;  
Iṇassa vā pamokkhāya, dubbhikkhe āpadāsu vā;  
Etadatthāya lokasmim, nidhi nāma nidhīyati.
3. Tāvassunihito [tāva sunihito (sī.)] santo, gambhīre odakantike;  
Na sabbo sabbadā eva, tassa taṃ upakappati.
4. Nidhi vā ṭhānā cavati, saññā vāssa vimuyhati;  
Nāgā vā apanāmenti, yakkhā vāpi haranti naṃ.
5. Appiyā vāpi dāyādā, uddharanti apassato;  
Yadā puññakkhayo hoti, sabbametaṃ vinassati.
6. Yassa dānena sīlena, saṃyamena damena ca;  
Nidhī sunihito hoti, itthiyā purisassa vā.
7. Cetiyamhi ca saṅghe vā, puggale atithīsu vā;  
Mātari pitari cāpi [vāpi (syā. kaṃ.)], atho jeṭṭhamhi bhātari.
8. Eso nidhi sunihito, ajeyyo anugāmiko;  
Pahāya gamanīyesu, etaṃ ādāya gacchati.
9. Asādhāraṇamaññesaṃ, acorāharaṇo nidhi;  
Kayirātha dhīro puññāni, yo nidhi anugāmiko.
10. Esa devamanussānaṃ, sabbakāmadado nidhi;  
Yaṃ yadevābhīpatthenti, sabbametena labbhati.
11. Suvaṇṇatā susaratā, susaṅṭhānā surūpatā [susaṅṭhānasurūpatā (sī.), susaṅṭhānaṃ surūpatā (syā. kaṃ.)];  
Ādhipaccaparivāro, sabbametena labbhati.
12. Padesarajjaṃ issariyaṃ, cakkavattisukhaṃ piyaṃ;  
Devarajjampi dibbesu, sabbametena labbhati.
13. Mānussikā ca sampatti, devaloke ca yā rati;  
Yā ca nibbānasampatti, sabbametena labbhati.
14. Mittasampadamāgamma, yonisova [yoniso ve (sī.), yoniso ce (syā.), yoniso ca (?)] payuñjato;  
Vijjā vimutti vasībhāvo, sabbametena labbhati.
15. Paṭisambhidā vimokkhā ca, yā ca sāvakaṇāramī;  
Paccekaḥ bodhi buddhabhūmi, sabbametena labbhati.
16. Evaṃ mahatthikā esā, yadidaṃ puññasampadā;  
Tasmā dhīrā pasamsanti, paṇḍitā katapuññatanti.

Nidhikaṇḍasuttaṃ niṭṭhitam.

## 9. Mettasuttaṃ

1. Karaṇīyamatthakusalena, yantasantaṃ padaṃ abhisamecca;  
Sakko ujū ca suhujū [sūjū (sī.)] ca, suvaco cassa mudu anatimānī.
2. Santussako ca subharo ca, appakicco ca sallahukavutti;  
Santindriyo ca nipako ca, appagabbho kulesvananugiddho.
3. Na ca khuddamācare kiñci, yena viññū pare upavadeyyuṃ;  
Sukhinova khemino hontu, sabbasattā [sabbe sattā (sī. syā.)] bhavantu sukhittā.
4. Ye keci pāṇabhūtattihi, tasā vā thāvarā vanavasesā;  
Dīghā vā yeva mahantā [mahanta (?)], majjhimā rassakā aṇukathulā.
5. Diṭṭhā vā yeva adiṭṭhā [adiṭṭha (?)], ye va [ye ca (sī. syā. kaṃ. pī.)] dūre vasanti avidūre;  
Bhūtā va [vā (syā. kaṃ. pī. ka.)] sambhavesī va [vā (sī. syā. kaṃ. pī.)], sabbasattā bhavantu sukhittā.
6. Na paro paraṃ nikubbetha, nātimaññetha katthaci na kañci [naṃ kañci (sī. pī.), naṃ kiñci (syā.), na kiñci (ka.)];  
Byārosanā paṭighasaññā, nāññamaññassa dukkhamiccheyya.
7. Mātā yathā niyaṃ puttamāyusā ekaputtamanurakkhe;  
Evampi sabbabhūtesu, mānasam bhāvaye aparimāṇam.
8. Mettañca sabbalokasmi, mānasam bhāvaye aparimāṇam;  
Uddham adho ca tiriyañca, asambādham averamasapattam.
9. Tiṭṭham caraṃ nisinno va [vā (sī. syā. kaṃ. pī.)], sayāno yāvatāssa vitamidho [vigatamidho (bahūsu)];  
Etaṃ satim adhiṭṭheyya, brahmametaṃ vihāramidhamāhu.
10. Diṭṭhiñca anupaggamma, sīlavā dassanena sampanno;  
Kāmesu vinaya [vineyya (sī.)] gedham, na hi jātuggabbhaseyya puna retīti.

Mettasuttaṃ niṭṭhitam.

Khuddakapāṭhapāḷi niṭṭhitā.